

Prëibel comuniciedi ala Plata dla ploania cina en jöbia, 29 de dezember,
i inoms y les dates de üsc familiars che complësc 80 agn l'ann 2023.
I formun comunité sc'i s'interessun y tolun pert ala vita di atri!!!

LOANIES SAN MARTIN Y LUNGIARÜ

Aziun da Nadé por daidé la jënt dla Ucraina: Les Uniuns di Seniors de nosc comun mët a desposiziun tles dlijies scatores de cartun da ciarié ite y dé jö en sabetada, ai 31 de dezember, dales 9 ales 12 tles colonies da San Martin, Lungiarü y Antermëia. Bel dilan a chi che fej imparà!

SAN MARTIN

Dër bel dilan dles ofertes ala dlijia en recordanza dla defunta Ottilia Dapunt Pedevilla dales families de Leo y Monica Crepaz; Gustl Trebo; Lena Trebo; Pio Trebo; Hermann y Maria Costabiei; Angela y Sepl Wieser; Oliva Pedevilla; Teresa Pedevilla; Burgl Clara; Erica Pedevilla; Albert y Rosina Moling; Lois y Stina Clara; familia Trebo Pension Tor; Pepi y Romi Dejaco; Irene, Eduard y Carla Zingerle; Uniun Guant da Zacan.

LUNGIARÜ

En chësc ann metarà indô la Uniun di Stödafüch da Lungiarü i calëndri apé de dlijia. I periun dër bel do na spënura por daidé curí les spëises de so sorvisc. Bele danfora n gran dilan!

Le Cor de dlijia rengraziëia de cör duc chi che á porté pro a tigní le marcé de Santa Lizia: sides chi che á porté y daidé, co chi che á cumpré! Dër bel dilan!

En dedolönesc, 27 de dezember, presentëia Daniel Crepaz dales 17.00 tl salf dl Istitut Ladin so iade de spediziun tl Humla, tl ovest dl Nepal, adöm cun le "Akademischer Alpenverein Zürich". En ocajiun de chësc iade él gnü sostigní n proiet de solidarité. Düc é dër bel invia!

Manifestaziuns dla Cooperativa Turistica:

Mertesc, 27/12, dales 17.30 spazirada cun i chentli dala plaza de dlijia de Santa Lizia sô dala capela de Seres, dales 18.00 pice concert te capela.

Jöbia, 29/12, dales 21.00 sôla pista d'Antermëia festa dla fin dl'ann / skishow.

Vëndres, 30/12, dales 20.00 festa dla fin dl'ann cun musiga y intrategnimënt tla plaza dl paiun a San Martin:

- dales 21.15 fiacolada dal Ciastel jö cuntra paisc. Dales 21.00 inant él n sorvisc da taxi por chi che ó tó pert ala fiacolada. Dedô la loteria dla fin dl'ann organisada dala Uniun dl Sport San Martin.

Mercui, 04/01/23, a Lungiarü: festa de scomenciamënt dl'ann. Dales 20.45 jarán cun chentli da Frëina jö cuntra paisc tla Stüa da Nadé. Dailó jará inant la festa cun musiga y intrategnimënt.



unitepastorala.org

Plata dles Ploanies San Martin y Lungiarü



ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

25.12.- 01.01.23 n. 05

ultimo termo por comunicaziuns: jöbia, dales 20.00

NADÉ DE GEJÚ CRIST

Vangele do Jan 1,1-18

Tl pröm êl la Parora, y la Parora ê pro Idî, y la Parora ê Idî. Tl pröm êra pro Idî. Dôt é diventé tres la Parora, y zënza la Parora ne n'él diventé nia de ci che é diventé. Te ëra êl la vita, y la vita ê la löm dla jënt.

Y la löm lomina tla scuritè,
y la scuritè ne l'à nia tuta sô....
La dërta löm, che ilominëia
vigni chestian, é gnüda tl monn.
Ël ê tl monn,
y le monn é diventé tres ël,
mo le monn ne l'à nia conesciü.

Al é gnü te súa proprieté,
mo i sü ne l'à nia tut sô.
Mo a düc chi che l'à tut sô,
ti àl dè la potesté de gnü fis de Dî,



I ún da ti dí dilan a Chël Bel Dî por súa parora cun chëra ch'al á metü al monn la creaziun, la jënt y l'amur. Hei, ince l'amur.

I ne s'oressun nia bun sce Idî ne n'ess nia cherié l'amur.

La Nôt Santa nes recorda l'amur de Dî,

so amur ala creaziun, a súa opra y a súa jënt.

Nos sun chi che porta inant l'amur o le desdrüj.

Nos sun chi che ti dá inant so amur o le lascia destodé ia.

Nos sun chi che mët en opra la orenté de Dî o la ignorëia.

Vigni momënt de respet un por l'ater, vigni ora de fistide un por l'ater é momënc dla vita orüda da Chël Bel Dî.

Nos, ch'i sun opra de Dî, portun inant súa creaziun o l'architun.

Da Nadé festejunse nosta orenté da porté inant l'opra generosa de Dî.

*Nia cun forzes suraumanes, mo cun nostes forzes umanes -
cun les forzes dl'amur dla vita da vigni de.*

da Image

EDEMA	SAN MARTIN	LUNGIARÜ	
25.12.22 Domënia NADÉ DL SIGNUR NATALE CHRISTTAG	<i>degöna Corona</i> 10.00 Mëssa solëna por la Comunité + siur Franz Sottara 18.00 Öspi da Nadé cun Cor y Comunité	7.50 Corona 8.15 Mëssa solëna de nosc Signur por la comunité 14.30 Öspi da Nadé cun Cor y Comunité	 La cianê dl Bambin y döt incëria nes é pö tan conesciü, mo tres danü de consolaziun y confort: Maria y Ojöp, famëis y bises, bo y müsc, düc abiná incër le bambin Gejü. Al é na raprezentaziun bëgn nia dër realistica, mo n simbol de proteziun che nes atoca tl cör. Ciodi ch'al é vëi!  famëis vá debota a odëi le bambin. So laur é bëgn tresfora scialdi anfat zënza de gran emeziuns; y spo fora de nia: cianties de agnui dal cil, na noela dal Bel Dî diretamënter anunziata a d'ëi. Chësta ê la rajun dla gran prescia y dl'emoziun. Se lasciun ince nos armöie dala noela! Insciö ves aoda la ploania n bun Nadé!
26.12.22 Lönesc SAN STEFO pröm mártire <i>Stefania</i>	9.00 Corona por + Tile Dapunt Pedevilla 9.30 Gran Mëssa en onur dla Sacra Familia Benedisciun dl vin 2ª de sopolt. + Ottilia Dapunt Pedevilla + Giovanni Vanzì (dl ann) + Pepi Deiaco, Larjëi	7.50 Corona 8.15 Gran Mëssa en onur de San Stefo y dla Sacra Familia por les families dl païsc dl ann + Anastasia Schanung dl ann + Angela Clara	
27.12.22 Dedolönesc <i>San Jan apostul y evangelist</i>	19.00 Mëssa + Siegfried Zingerle, Col por les Animes desmentiates		
28.12.22 Dedemesaledema <i>Mituns Inozënc - De Fantú</i>		7.30 Mëssa + + Franz y Lidbina Clara + Marino Clara, Ties	
29.12.22 Jöbia <i>Davide, Tomesc Becket, Tamar</i>	7.30 Mëssa de rengraz. a Sant Antone + + dles families Prousch-Perathoner + Heinz Kostner, Corvara Corona por vocaziuns		
30.12.22 Vëndres <i>Festa dla Santa Familia</i>	18.30 Adoraziun chîta 19.00 Adoraziun deboriada	7.30 Mëssa por les püres Animes + Ida Nagler	
31.12.22 Sabeda <i>Silvester, Melanie, Alan</i>	19.30 Mëssa prefestia de ringraziamënt dl ann 2022 3ª de sopolt. + Ottilia Dapunt Pedevilla dl ann + Perpetua Valentini Rubatscher + Pasquale Schuen	18.00 Mëssa prefestia de ringraziamënt dl ann passé en onur de San Silvester + + geniturs de Berto y Lidwina Clara dl ann + Madalena Clara dl ann + Isidoro Clara	
01.01.23 Domënia UMA DE DÎ - NANÜ De Mondial dla Pesc	9.30 Corona 10.00 Gran Mëssa por la comunité en onur de Santa Maria, Uma de Dî Benedisciun dl'ega santa, dl se y dl inzënc	7.50 Corona 8.15 Gran Mëssa en onur de Santa Maria, Uma de Dî Benedisciun dl'ega santa, dl se y dl inzënc	